

SHWBIZ KLIP *BON DIA* *Aruba*

Ricardo Tjon ta presenta musica relajante, melodia yamativo cu su guitarra riba e album yama "Man Tsoi"

Den siman nos tabatin un interesante conversacion cu Ricardo Tjon cu pa nos e ta un artista nobo, pero cu a impresiona nos masha hopi mes cu su melodia, su musica relajante y un fusion di sonidonan masha interesante cu e ta exponiendo riba su produccion. Na prome instante e melodia di Ricardo Tjon su guitarra a hala nos atencion.

E ta considera su mes y su musica como "Avant-Garde Fusion", e ta un guitarista y arreglista di curason c'un amplio experticio den e tipo di musica aki cu ta mas su linea cu e ta domina, pero esey no ta kita cu e por domina otro genero. Ricardo Tjon Man Tsoi ta su nomber, pero artisticamente e ta wordo yama Man Tosi, e la nace na Surinam y ya caba tras di su nomber e tin dos album completo cu e tipo di musica aki cu ta uno relajante. 'Cool Moments' ta un di e temanan cu ta aparece riba e produccion aki cual e la haya e cooperacion di e conocido bahista e "recording-engineer" Roy Croes hunto cu e drummer/percusionista Fredy Gollarzo cu a caba di ensambla e concepto relajante aki.

Ricardo Tjon su pasion ta musica y su fuente di inspiracion ta algo cu e ta considera uno inesplicable, e diversidad di e 11 temanan instrumental aki ta masha diverso, cada un di nan ta un obra di arte cu ta bon compania cu diferente melodianan masha bunita mes cu e forsa intenso di un bon arreglo. E sensacion di sinti bo mes liber di expresa su instrumento ta masha visible den e produccion aki, improvisando cu su guitarra e melodianan cu ta pone 'bo den un 'chill mood' claro cu no por laga e 'solo' di baho cu ta ensambla un harmonia masha impresionante dunado bo e sentimento cu e tres musiconan aki ta den un "Jam saccion"...relajante. E ensamble di drum, baho y e



guitar di Ricardo Tjon ta refleha y mustra'bo cu bo por identifica elementonan manera Rock, Jazz y e fusion cu nos a bin ta señal. Ricardo Tjon for di tempo cu e tabatin mas o menos 17 aña e la inicia tumando les di guitarra na CCS, cu ta e "Volksmuziekschool in Suriname" mas o menos na final di añanan 70, despues di un par di aña despues e la cambia pa toca den

e symfonica di musica Jazzrock. For di e tempo ey semper e tabatin e guitarra como su miho amigo y su gran hobby pa musica, for di eynan e la dicide di crea su propio arreglonan cu te awendia esaki a resulta di ta uno masha yamativo. Esaki e ta refleha den su mas reciente produccion cu kizas lesando riba esaki lo bo no por tin un idea con esaki ta hinka den otro, pesey ta recomendabel

bo busca esaki na Cliffix, Music Box, Edutainment Center of serca Guisette na CD's & More p'asina bo haya un idea di kico tur nos ta splicando awe den nos edicion y specialmente riba e artista Ricardo Tjon. Si bo kier order esaki mas directo bo por haci esaki via di e E-mail: mantosi@hotmail.com.... y cu gusto Ricardo Tjon lo atende'bo p'asina bo haya tende e melodia di su guitarra electronico.